

Messer BH Gas d.o.o.
Messer Sarajevo Plin d.o.o.
Dr. Fetaha Bećirbegovića 8
71000 Sarajevo
Tel.: +387 33 645 366
Fax: +387 33 642 031
www.messer.ba



MESSER 

Gasovi i znanje za vaš uspjeh.
Vaš kompetentan partner sa 111 godina tradicije.

Messer otvorio tvornicu u Zenici vrijednu 20 miliona eura

Predsjedavajući Messer grupacije iz Frankfurta Stefan Messer i Vahid Hećo, federalni ministar energetike, rudarstva i industrije, nedavno su zvanično u rad pustili novosagrađeno postrojenje za razlaganje zraka, smješteno u krugu nekadašnje Željezare Zenica. Riječ je o prvoj fabrici ovakve vrste u BiH, čija je izgradnja po najsavremenijim metodama koštala 20 miliona eura. Posao u novom pogonu je dobilo 25 radnika.



Pozdravljajući zvanice na grandioznoj svečanosti u krugu fabrike, Stefan Messer je podsjetio da je razlagaona zraka, za proizvodnju kisika, argona i azota, prvo ovakvo postrojenje u BiH, te da se radi o čistoj tehnologiji, bez negativnog utica-

ja na okoliš. On je istakao da je Messer tokom 2009. godine u nove fabrike i tehnologiju investirao preko 200 miliona eura. Postrojenje će tehničkim gasovima opsluživati kompaniju ArcelorMittal, sa kojom je ugovor o izgradnji postrojenja

potpisan u julu 2007. godine, a dio proizvodnje će biti plasiran na strano tržište.

Prije svečanog otvorenja fabrike, u Hotelu Dubrovnik održana je press konferencija na kojoj su se obratili ministar Hećo, zenički načelnik Husejin Smajlović, direktor Messer BH gasa BiH Valentin Ilievski i menadžer za jugoistočnu Evropu Ernst Bode.

- Nije ovo naša prva investicija u BiH. Na tržištu BiH poslujemo već 12 godina. Ovom investicijom ostvarene su predispozicije za otvaranje novih kompanija u BiH koje u ostvarivanju svojih djelatnosti koriste ove plinove. Osim domaćeg tržišta, prije svega ArcelorMittal Zenica, kisik i argon potreban za process proizvodnje bit će plasiran na inostrano tržište - izjavio je Valentin Ilievski, generalni direktor Messer BH gas d.o.o.

Ministar energetike, rudarstva i industrije FBiH Vahid Hećo izjavio je kako je kompanijama u BiH izuzetno potrebna proizvodnja tehničkih gasova na tlu BiH.

- Nema niti jedne investicije i rada, u oblastima koje pokriva ovo ministarstvo, bez prisustva tehničkih gasova, uključujući i projektovanje i modernizaciju bh. rudnika. Samo upornošću možemo prevazići blokade investicijskih djelatnosti, bez kojih nema razvoja - rekao je Hećo.

Načelnik Općine Zenica Husejin Smajlović naglasio je je kako je investicija Messera još jedan znak da Zenica predstavlja povoljan ambijent za razvoj. ■

M. Pe.

Interex obilježava desetu godišnjicu

Interex obilježava desetu godišnjicu poslovanja u BiH. Philippe Manzoni, direktor međunarodnih operacija u Intermarchéu, kazao je da trenutno u BiH imaju otvorenih 25 prodajnih objekata, jedanaest tzv. city objekata u centrima većih gradova, te još 14 objekata uslovno rečeno van grada, površine oko 3.500 kvadratnih metara. Osim toga, Interex u BiH danas ima 820 uposlenika. Interex, prema njegovim riječima, trenutno ima oko šest posto tržišnog udjela u prometu maloprodajnih lanaca u BiH, s čime zauzima drugo mjesto na bh. tržištu.

Intermarché je grupacija iz Francuske koja posluje u osam evropskih zemalja: Francuskoj, Portugalu, Španiji, Belgiju, BiH, Rumuniji, Srbiji i Kosovu. Godišnji promet grupacije Intermarché iznosi 35 milijardi eura, a u brojnim kompanijama zaposleno je više od 130 hiljada ljudi.

